

吉奥廟卷

250-141

139

部 = 20

1931

吉安府志卷二十九

人物志

庶官三 自宏治起至崇禎止

明周 統 劉 桐 鄒 賢 羅 僑 彭 龍

蕭乾元 尹 袞 劉 潮 劉子厲 羅欽德

徐 穆 郭 灌 周 魯 歐陽雲 歐陽譜

羅 柱 弟 羅 甫 劉廷策 子 劉 祥 弟 胡 道

朱 祀 劉 藍 劉 絃 彭 杰 劉 昭

彭 桓 胡汝礪 羅 善 李 銳 王 奎

李 勲 劉 教 曾 直 羅 循 羅 璞

賀 寬 賀 位 蕭 柯 劉 挺 李 珪

吉安府志

卷二十九

人物志

庶官三

張 峻 劉 恒 唐 偵 任 箕 甘公亮

蕭 晚 梁朝宗 劉廷籃 李 楷 劉 泉

歐陽嵩 劉 翀 周尙化 黃國用 彭 簪

劉秉監 尹 襄 張 鐸 張鼇山 龍 光

楊必進 戴 冠 伍 全 趙 澍 王貞吉

歐陽席 湯克寬 張鳳陽 賴 潔 劉 道

吳期英 賀 縉 王世文 劉夢詩 李 相

周 仲 王 昂 劉本用 王一鵬 張 麋

李 儼 胡寅命 彭與志 郭宏化 曾存仁

劉逢愷 劉方輿 曾 忭 郭汝霖 郭應奎

蕭祥曜 蕭 縉 周 整 顏 鑰 鄒 濂

歐陽烈 王如瓚 周子恭 周賢宣 郭宏德

劉三錫 胡堯時 劉文紹 蕭文清 龍遂

鍾紐 朱黼 王育仁 胡永成 莫揚

蕭樟 張啟元 王宗尹 劉則唐 胡文宗

陳慶 吳來鳳 聶靜 伍典 張秩

彭汝成 劉欽命 蕭敷 蕭宏魯 趙格

王士俊 楊海 劉尙平 易寬 王學孔

周汝員 賀鏤 戴有孚 史詡 劉憲

蕭暘 劉汝朝 周奎 劉天兌 李琳

郭鵬 郭鼎忠 郭春震 劉應期 羅良

劉天授 謝應嶽 王一夔 李棟 賀沂

吉安府志

卷三十九

人物志

二

附名三十 劉禹謨 彭應時 胡思化 李衡

張幼楨 李蘊 張鏜 湯瑞霖 周憲

劉思瑜 萬一貫 張靈 劉應雷 劉肇

羅正新 尹學孔 蕭基 王德新 廖穀

朱維京 蕭象烈 龍遇奇 劉朝璽 賀康載

劉淑唐 伍惟善 康元穗 楊嘉祚 蕭廷對

龍文明 甘雨 龍補袞 楊寅秋 劉冠南

謝始亨 曾皋 羅大紘 張忠弼 趙善鳴

蕭椿 胡接輝 李一鳳 劉士登 蕭學儼

蕭學儀 劉雲龍 康元積 蕭可薦 郭如閻

曾象乾 曾汝召 劉應秋 曾袞 湯瑞至

王如堅 周懋相 謝時泰 管象章 王心

劉士林 劉孔祺 周鳴 郭一鶚 顏欲章

曾乾亨 歐陽理 李時芳 朱道相 馮文正

蕭穀 蕭和鼎 周文謨 劉守誠 李賓

周日旦 梁惟正 施逢元 李尚德 王宏

曾之可 蕭鳴曉 李教 曾天允 彭名世

朱士景 胡中龍 李宗容 李祖武 李楠

程响 王績燦 李長春 伍承載 劉垂寶

鄭啟隆 黃紹杰 張祖炳 張宗曾 方居敬

郭明貞 賀士昌 尹嘉顯 蕭純 王宏

周瑞豹 曾賜昌 蕭琦 康良材 黃之鳳子孺

吉安府志 卷三十九 人物志 庶官三 二

歐陽主生 程品 羅尙仁 李舒華 楊仁愿

王華玉 王大憲 劉光震 段文炳 王開元弟開統

李邦英 李陳玉 蕭士璋 曾裕 附傳十人

附名十五 蕭宏魯 胡喬岱 以上二名補采

周統字伯承廬陵人孟中子宏治進士官刑曹以守正拂

司寇意出為太平知府益正法束衛官衛官銜之誣以

事逮錦衣獄尋得白還職歸 盧志

劉桐一作同永新人宏治鄉舉知泰順持法嚴平聽斷明允

悉民隱省繁費尤加意士類嚴斥羣小勾攝無一卒下

鄉民賴以安 通志採浙江名宦志

鄒賢字恢才安福人守益父宏治進士授南京大理評事

有數條奏陞福建汀漳兵備僉事時逆瑾用事方面官率入謝賢獨不往攜二僮赴任裁省供億擒殺武平賊渠黃友勝力請歸極陳地方事宜並發瑾贓罪賜金幣所著有棘臺奏議易齋稿

參通志
縣志

羅僑字維升吉水人性純靜寡嗜慾受業張元禎講學里中舉宏治十二年進士除新會知縣有惠愛正德初入爲大理右評事五年四月京師旱霾上疏曰臣聞人道理則陰陽和政事失則災沴作願陛下慎逸游屏玩好放棄小人召還舊德與在廷臣工宵旰圖治并敕法司慎守成律卽有律輕情重者亦必奏請裁決毋擅有輕重庶可上弭天變下收人心時朝士久以言爲諱僑疏

吉安府志

卷二十九

人物志

庶官三

四

上自揣必死輿襯待命劉瑾大怒矯中旨詰責數百言令廷臣議罪大學士李東陽力救得改原籍教職其秋瑾敗僑尋召復官引病去宸濠反王守仁起兵吉安僑首赴義世宗卽位卽家授台州知府建忠節祠祀方孝孺延布衣張尺詢民間疾苦歲時循行阡陌課農桑講明冠婚喪祭禮境內大治嘉靖二年舉行卓異都御史姚鏞上書訟僑曰人臣犯顏進諫自古爲難曩八黨弄權逆瑾亂政廷臣結舌全軀自保而給事中劉蒞評事羅僑殉國忘身發摘時弊幸存餘息遭遇聖朝謂宜顯加獎擢用厲具臣乃僑知台州蒞知長沙使懷忠竭節之士淹於常調臣竊爲朝廷惜之帝納其言擢僑廣東

左參政僑辭部牒敦趣不得已之官踰年遂謝病歸僑
敦行誼動則古人羅洪先居喪不廢講學僑以為非禮

遺書責之其峭直如此參明史案雜聞源流錄儒林傳云僑歸家著潛心錄謂學須寡

欲則心中無事人於一日不可一息非善念善念即充廣之使若泉達火然時東廓鄒氏講學青原嘗與往來

討論學者稱東川先生

彭龍縣志作隆龍泉人宏治鄉舉授東昌判時馬政久敝馬戶

率多流散龍至條奏馬政五事極言俵馬責駒均役安
民之方下其議行之

蕭乾元字必克萬安人宏治進士為御史上疏數宦官劉
瑾等奸狀忤旨廷杖幾死瑾誅起福建兵備僉事寢建

寧軍士之變正建安匿喪之罪陞雲南副使尋引疾去

吉安府志

卷二十九

人物志 庶官三

五

尹袞字舜章永新人宏治通志作正德誤鄉舉授壽寧知縣召父

老牖以至誠作詩歌戶給之遷守綿州公署垣壞得窖

金數萬禁家眾勿取登記其數以當歲賦餘以葺城堞

人稱其廉

劉潮字主信安福人宏治進士授大理評事歷廣西按察

副使平賓州八寨劇盜有功先是宸濠殺長史莊典妻

子無所歸潮買地居之宸濠威制豫章道路以目或危

之潮不為動

劉子厲安福人宏治進士授嘉善知縣入為監察御史逆

瑾執柄斥不附已誣逮下獄落職瑾敗起按福建尋卒

羅欽德字允迪泰和人與弟欽忠同宏治十二年進士其

時兄欽順官翰林三羅之名隱隱在公卿間咸欲識其
爲人欽德深避不欲接款遂除外任有清名中涓豪猾
聞風歛跡性孝友得請歸侍父几杖依依若孺子狀其
母所製布履易簣時命納諸棺以殉通志案云欽忠歷
官副都御史詳羅

整菴存
稿墓誌

徐穆字舜和吉水人宏治進士授翰林編修分校會試名
士多出其門充正使頒詔朝鮮穆至正迎見之儀拒饋
獻遠人畏服逆瑾惡不已附調南京兵部員外瑾誅還
職進侍讀學士卒以上
通志

郭灌字達誠廬陵人宏治進士授刑部主事歷員外郎剛
方無所撓屈兩奉詔勘大獄稱平允出知寧波府改潮

吉安府志

卷二十九

人物志
庶官三

六

州以憂去宸濠之變王守仁召縉紳共舉勤王灌與焉
年七十六卒所著有家範傳世盧志

周魯字溇夫吉水人宏治進士授監察御史嘗抽分蘆溝
橋木雖外戚貴寵不少假借京師大雷震魯疏去冗職
罷銀礦便軍餉通路引時有以司馬遷冢宰者諸道欲
言之無敢先魯笑曰言官畏言耶首署名以進後與都
御史論差法不合遂乞休去當道以風節薦竟不起通志

歐陽雲字碧溪泰和人重慶太守雍子七歲能韻語日記
數千言稍長從父之官所至輒有記述舉宏治鄉試第
一成進士初仕行人正德間官御史巡視南城中官外
戚怙寵憑陵一繩以法是時瑾勢已張雲抗直一無所

屈奉命覈三邊糧馬陝西爲瑾鄉里途中所經發爲吟詠切諷時事瑾怒褫其職瑾誅復御史著有碧溪集

歐陽誥字賜之泰和人宏治進士授南工部主事遷文選司郎中擢金華守有惠政會御史按郡務深刻誥爲辯不應死者數人調漢陽府首禁楚府官校奪民湖利築湖堤以資捍禦陞山東鹽運使子塾旣登第遂致政歸羅柱字定宇永豐人倫仲子幼以神童名宏治鄉舉授山東濱州學正訓教有方巡撫趙璜重其學行薦陞南京國子助教弟幹字定本亦宏治鄉舉授西安教授勵清操寡交遊嘗典應天湖廣福建文衡有密以金來賄者幹曉以義命遣之世寧德知縣明信義簡詞訟抑豪強

吉安府志

卷二十九

人物志

庶官三

七

以賢能調漳州平和縣

羅甫字汝大永豐人宏治鄉舉授嚴州遂安知縣時瑾璫用事人爭賄以求美秩甫入覲所知諷之不從陞漳州府判武平盜起領兵勦捕染嵐病卒所著有富山稿先正鄉約及會編諸書

劉廷策安福人宏治進士內江知縣陞吏部主事以疾歸爲詩文簡古有奇氣字亦類之子爲嘉靖間知閩福清縣節用愛民弭盜賊興學校卒祀名宦

劉祥字持慶安福人宏治進士授工部主事改刑部尋遷員外以監察御史按廣東劾諸司不法者無少貸出知淮安府以事忤權璫械至京謫戍平越宥歸復起知西

安府卒於官弟禔正德進士條陳六事補兵科給事中
胡道字濟時安福人宏治進士授錢塘知縣遇事剖決如
流暇則與賢士講易疑義嘗復西湖石堰石函以蓄泄
水作漏澤園以葬死無所歸者最聞擢刑部主事

朱祀字克誠安福人宏治鄉舉授浙江瑞安知縣清介有
守權勢請託無所徇縣人卓侍郎敬死建文難首建祠
祀之以執方忤當道左遷寶慶教授勤督課重行誼以
病歸兩縣俱祀名宦兄祿鄉舉知新繁縣以文飾治尤
工於詩

劉藍安福人宏治進士歷任浙江僉事平孝豐寇賜金幣
復紹興湖水利民碑記之偶忤臺察改用卒

吉安府志

卷三十九

人物志

庶官三

八

劉紘字景瞻安福人宏治進士知江陰縣廉介自持守官
如寒士臨事不露聲色奸吏豪橫莫能措手鄰縣有訟
咸願聽治陞南京戶科給事中

以上
盧志

彭杰字景俊吉水人宏治進士授南京刑部主事歷守宛
州廣平真定順德四府裁決敏練吏胥無敢舞文陞四
川參政督餉討夔夷師捷宣慰使冉儀所部縱掠且叛
杰諭定之遷按察使陞雲南湖廣布政二省鹽法宗祿
多羨餘杰一無所取劉瑾用事郡邑多致重賂杰不應
黔國沐紹勛禮絕方岳杰與分庭相抗武定侯郭勛鎮
楚藩臬不敢馳中道杰奪門而入其剛勁如此

劉昭字東崖廬陵人宏治進士官南刑部主事應詔求言

稱旨擢嘉興守有能名以終養致仕宸濠反王守仁起
兵與知府伍文定延昭入募參謀議宸濠伏誅錄昭功
力辭不受守仁貽書曰東征之役執事贊襄之力居多
而絕口不屑言功豈常人所能著有東崖傳東征忠義

錄以上參
通志

彭桓字景武吉水人宏治進士授工部主事歷陞郎中擢
漳州知府剔除吏弊一郡肅清外艱服除補山東青州
值旱禱雨立應寇盜充斥設法鋤之陞陝西左參政改
雲南右參政以抗逆瑾棄官歸卒祀鄉賢盧志
胡汝礪泰和人山西大同知府適歲旱痛自修省跣足祈
求大雨霑足民頌為父母雨時總戎不束其下汝礪痛

吉安府志

卷三十九

人物志
庶官三

九

抑之大忤重臣以疾求去有冢宰奏汝礪可大用即疾
亦不可去孝宗允之仍留任廣輿記

羅善字復之安福人宏治進士歷官陝西僉事會逆瑾葬
其父馬嵬坡下過者率致祭祭必以文達瑾善獨不顧
而去改福建進雲南副使整飭金騰兵備當道方建章
薦獨引疾歸年九十餘卒參通志

李銳安福人宏治進士宰崇陽

縣志作
耒陽

有惠政授工部主

事監蕪湖廠擢郎中忤張璫逮獄歲餘釋出守泉州州
界山海豪猾易開銳嚴威令杜請託首寘巨猾於法改
岳州陞兩淮運使蠹政盡剔擢廣東參政與軍府議征
徭不合遂乞終養

王奎字休菴安福人宏治進士任江陰知縣甫下車雪姜

氏一門獄及歸宸濠雅重其才名徵不就過浙見諸生

披械狀有冤代白之不告而去所著有賦役成規以上盧志

李勳字懋齋吉水人以歲貢上禮部授新野訓導時河南

大饑流移載道令不能救勳勸捐設粥以賑又逐倡優

以正風紀陞永豐王教授懷順王賢而好士相得甚歡

懷順薨長子嗣不謹於喪勳為書諫且陳保國十事王

頗悔悟值勳丁外艱王上教授善狀請無往代而自給

半俸終喪傅王十六年進准王右長史致仕參通志

劉教字見川一作廬陵人嘉靖一作宏治間舉於鄉為

泰興江陰教諭遷廣平知縣擢刑部主事尋陞梧州知

吉安府志 卷二十九 人物志 庶官三 十

府丁繼母憂服闋遂不仕治廣平時審編均徭府頒其

法於所部嘗題視民如子知我者天於座隅有以多金

賄者麾而去之進諸生講良知之學在刑部貴溪分宜

柄政引避不往見巨璫子弟殺人論如法恤刑江北各

郡平反無算守梧州裁供億冗費其學無所不窺於本

朝故實尤綜核詩文冲逸夷曠類其為人與周羅山祿

陳蒙山嘉謨諸同志訂西原惜陰會郡大夫勸之仕稱

疾不起參通志盧志案云通志選舉宏治戊午鄉舉

二十六年似係兩人查安福廬陵兩志本傳官階宦蹟

俱同又似一人通志但立廬陵劉教一傳其載為廣平

令陞刑部主事亦同所傳宦蹟皆兩縣志所未詳

曾直字叔温吉水人宏治進士知鄞縣補新城擢工部主

事轉刑部員外署郎中事有大閹張銳者其私人馬宗以指揮違法當罷求免於直不聽銳奏誣直入人罪下法司久乃得釋引病歸起陝西司郎中都御史彭澤將復哈密爲中人所構下獄直判以誣忠勤大臣法在必誅土魯番復賄內外以計逐直嘉靖初用薦起知肇慶府擢福建副使未任遷大理右少卿隨轉左武臣有恃寵撓法者爲御史趙鏜所劾旨下朝議直獨言罪當死數以語侵法司不署奏慶陽伯有甥張柱驕橫歐人死旣伏辜法司以財移獄坐其子上用直議竟誅柱遷太僕卿致仕歸年八十餘卒

參通志

羅循字遵善

善一作道

吉水人宏治進士授南刑部主事服闋

吉安府志

卷三九

人物志

庶官三

十一

補工部管徐州洪首罷漕米總役夫以便漕舟調兵部武庫武庫閑局太宰許進獨與循曰吾以愧競進者陞武選郎中逆瑾私人有已革乳母官三百人援瑾求復循駁其不可復者五事奏竟寢擢鎮江守巨寇劉七等薄境郭外民皆奔城指揮使閉門自守循斧肩鎗納之未幾大兵至循辦軍費狼山奏捷上其功調淮安守錄囚釋九十餘人擢山東按察副使以母喪歸起復爲密雲兵備鎮守太監忌循奏請省之遂罷官歸尋薦起爲山東副使始逆瑾所善鄉人通政李憲同年也語循願爲先容弗聽瑾敗憲且除名循載酒與別憲服其有古人風

案通志云循罷指揮管事二十餘人劉瑾怒罵尙書王敞做謝曰郎中輩爲之又罵曰不能制郎中

安用尚書做益懼歸部趣易奏循
退遲之數日而瑾敗做乃謝循

羅璞字宗温吉水人宏治一作成化鄉舉授紹興府同知創造

歸衛歸民二冊當道下其法於列郡知思南府平苗賊

米魯等有功擢貴州參政致仕歸以上盧志

賀寬字懋教永新人宏治進士知東陽廉明慈愛教養兼

舉歲旱減膳徒跣拜禱又借運司鹽帑及郡倉粟以賑

報政囊橐蕭然士民交相餽贖寬惟取一菜時人謂曰

昔聞劉寵一錢今見賀寬一菜通志慮志案云縣志載寬歷官監察御史遷

四川按察僉事卒於官

賀位永新人宏治鄉舉官汀州府同知撫字心勞廩祿多

分以周僚屬之不給者參人物表案位為汀州同知見汀州府志盧志選舉所載相

吉安府志 卷三十九 人物志 十二

符舊志人物表作官知州今更正

蕭柯字升榮萬安人通志作吉水宏治進士為御史巡東城主

廠者憚之遷陝西馬政奏養馬之害改三歲一駒遂為

定制巡四川兼理棘圍以法奏陟監司者數人黜者數

人而鎮撫參戎亦被糾舉時大臣有縱子恣盜帑金者

即日奏免松潘賊屢殺守臣奏請征勦賊盡殲滅黔中

苗復告警奉命往設奇計破之授浙江參議將發疾作

歸所著有松鶴軒集祀鄉賢

劉挺字咸卓萬安人宏治進士初任武選司較雲貴旗役

冊同官欲盡革之挺規畫數旬存者過半大司馬喜曰

當活萬人矣奉命開邊時總制病卒挺經理肅然忤權

貴出勘遼陽軍屯參政湖藩擢河南布政值寇變甫定
大兵凱歸犒費百出部署悉當與弟劉搏有聯芳集

李珪字用獻永新人宏治進士官員外郎中任禮部時贊
大喪無違禮逆瑾擅權以抗節忤遷曲靖知府卒

張峻字佐堯吉水人宏治鄉舉授溧陽知縣改霍邱遷常
州同知有惠政丁內艱服闋常之士民請於朝得仍歸
常歷遷南京刑部員外郎除瓊州知府時黎人叛峻嚴
烽堠謹邊徼檄民逋入黎者悉蠲其罪復其業伐黎平
之撫集賑卹教以禮義作四禮節要令之行習建書院
講學嘉靖時以監司薦入覲乞致仕卒祀鄉賢

劉恒吉水人宏治進士授吳縣知縣能撫字其民久令上
吉安府志

卷二十九

人物志

十三

邑家無錢帛卒從祀鄉賢先是永樂間亦有劉恒官檢
討以清白聞

唐偵永寧人自少刻意經史勤循規矩以貢授漳州訓導
教人先道義士多嚮化居家凡吉凶悉遵家禮爲鄉邦

表率卒祀鄉賢

以上
盧志

伍箕安福人正德進士知華州爲政平恕民有犯先以理
諭使自愧悔不悛者然後加刑強宗豪猾莫不感服審

戶役均徭賦民食其德

通志 案縣志載箕
官終山西按察使

甘公亮字欽采永新人正德進士授刑部主事上疏乞改
南便養在刑曹讞獄明允時乾清宮災疏陳八事士論
壯之出守惠州罷橋鐵稅攻破賊巢請大吏奏設和平

縣州賴以寧公亮爲學沈潛義理而以孝友力踐爲宗
有懷金求銘者亮察知其人曰吾雖貧不能爲人諛墓
所著有蓮坪稿南嶽風韻集

參豫章書縣志

蕭晚字啟旦吉水人正德進士授南刑部主事以持法忤
權貴一日逮治火者徐美爲閣高隆所惡遂誣奏待理
尙書李承勳白其寃尋守岳州改瓊州會黎佛二叛殺
官吏擄村堡晚設計擒之永淳涿里賊薄賓州晚檄兵
據險殲俘甚眾籍所捕獲給軍餉出其羨以報督府不
以捷聞益乘勝入南丹八寨招降藍昇等內附田州之
役盧蘇構釁督府掩蘇罪蘇益橫以兵營賓州城下聲
言欲見巡按晚曰蘇罪人何敢爾遣千戶持符逮蘇宣

吉安府志

卷三十九

人物志

十四

朝廷威德詞色俱厲蘇怖請自贖許之先是岑璿以思
恩叛璿誅更置守璿餘孽名金者潛他境諸故酋挾以
邀我擁眾南寧城外晚謂參將沈希儀曰金在則無思
恩無思恩則廣右必危且其腹心楊留在賓州募兵金
來而留應之尙有賓州乎遂定計擒金於柳以功遷廣
西副使歷廣東參政福建左右布政致仕卒贈刑部侍
郎

梁朝宗字東之龍泉人正德進士幼穎慧過目成誦年十
六補諸生爲督學蔡清李夢陽所拔賞歷任常熟西安
知縣狷介自執所至有聲因上書論事十六條當道忌
之遂拂衣歸所著有泉江小稿虬蟲集

以上盧志

劉廷篋字器重安福人正德進士知杞縣入爲御史歷按兩浙閩貴行部郡邑單車徑往州長吏而下咸敬憚之李楷字邦正吉水人傳羅洪先之學由鄉舉授湯溪知縣母艱服闋補青田時倭躡東南楷積穀資守禦青田故無城倭至楷禦於沙埠倭不得渡乃以間築城倭又至登陴守日殺賊數人倭遁去改知昌樂亦以治行聞

劉泉字應占安福人正德進士選庶吉士陞編修宸濠方蓄逆謀泉獨先發其奸激御史蕭淮等劾之世廟繼統疏陳四事遷湖廣參議卽上疏致仕以上通志

歐陽嵩字汝仲泰和人正德進士知福寧州首開東南河灌田數千頃皆爲沃壤復買田建倉儲租爲疏浚費民

吉安府志

卷三十九

人物志
庶官三

十五

享其利盧志

劉翀字士鳳永豐人正德進士官郎中廉靜謙約告病歸寓居金牛寺甘貧嗜學始終不改其操著有中瀧集

周尙化泰和人正德進士知邳州時流賊猖獗尙化預築土城捍禦賊旣逼州議者欲闔門固守尙化曰城外非吾民耶合城內外居民諭之以義誓共死守賊乃解去陞南刑部員外以憂去以上通志

黃國用字子忠廬陵人九歲能詩正德九年進士授行人武宗南巡國用上疏力諫廷杖謫南京國子監學正世宗卽位復任行人擢御史巡視西城內官王仲彬受富民賄國用竟坐之某國師睥睨公卿疏其不法十事實

於理修撰呂柟進講經筵陳時政得失嚴旨切責連疏
救解給事中劉最以直諫忤旨遣戍送之出都坐下錦
衣衛獄貶廣東連塘驛丞移揚州推官陞揚州知府尋
遷貴州按察司提學僉事卒祀鄉賢所著有義城文集

盧志

彭簪字世望安福人正德鄉舉知衡山縣多惠政移判常
州專務大體攝篆宜興却例供或以爲病後來者簪曰
後令賢必不予非不然吾亦安能以其身預爲不賢者
地改知靖州一月拂袖歸自稱石屋山人與同郡羅洪
先鄒守益日以正學相切劘郡縣長吏莫不式廬請事
居十二年自爲傳志祭文邀同志作別沐浴端坐而逝

吉安府志

卷三九

人物志

庶官三

十六

劉秉監

一作鑑

字遵教宣子正德進士累官刑部員外郎歷

大名兵備副使以忤巨閣逮繫謫判韶州移潮州同知
擢知臨安府初學於湛若水尤篤志王守仁之學卒時
年未五十

尹襄字舜弼永新人舉鄉試第一正德進士歷陞侍講進
司經局洗馬每值經筵意存諷諫一日進講尙書說命
至官不及私昵有旨問講章誰爲者人交屬之襄不爲
動性醅茂事兄袞尤謹家問起居未敢草一字卒年四
十三所著有巽峰集

張鐸字振大泰和人以貢授鬱林州同知州故僻陋鐸爲
興學校申教條集諸生講諭豐廩給蠲徭役由是人知